

11. 646 n. 14
SPECVLVM
SINE MACVLA

SIVE

LAVDES B. VIRG.

IN EIVSDEM CONCEPTV
CELEBRATÆ.



NICOLAO NATO NVCKERINO.

LVDOVICO PACCALIA ERETANO.


DONATO MAZZOLIO ROMANO.

Sem. Rom. Cler.

Accesserunt harmonica metra singulis actionibus interiecta.



ROMÆ, Apud Franciscum Caballum. M. DC. XXXII.
SVPERIORVM PERMISSV.



SPECVLVM SOCRATICVM

Oratio habita

A NICOLAO NATO
NVCERINO.



EA fuit in cælestium rerum tractatione superstitio veterum, vt simulacris Deorum lectos, & mensas certi Conuiuatores extruerent; Vestiarij sagum, & togam, tunicam, & calceos assidue permutarent; Fictores capillum calamistris inurerent; sertis cingerent Coronarij; beneolentibus liquoribus perfunderēt etiam Vnguentarij. Deabus vero suis speculum perpolitum, & grande antetulisse dicuntur, quasi ad explorandum satis ne cultæ forent, atque concinnæ.

Sed quod in deprauata religione tam sedulo præstabant homines truncis, atq; lapidibus diuinitate factitia consecratis; longè felicioribus studijs ipsi Cælites nobis exhibent cultu veri Numinis instaurato. Nostros siquidem animos modò pabulo doctrinarum sublimium recreant, modò vestitu charitatis inaurato mira virtutum varietate circumdant: cogitationes verò, ac sensus veluti cesariem mentis, ardentibus cælestis patriæ votis ceu calamistris inurunt; nec rarò victorijs de publico nostri generis hoste reportatis coronatos nos liquidissimæ voluptatis veluti vnguentis deliniunt. Et ne cultus foëminarum proprius deesset, en hodie Magna Mater, non anteferri sibi speculum patitur, sed se ipsam, speculum illud sine macula nobis offert multiplicem in vsum Virtutis.

Et quidem cum alios, atq; alios speculorum vsus, ac modos tradi-

diderint Sapientes: tres mihi memoriam subeunt viri præstabiles, sciendi quidem ratione disiuncti, sed amore scientiæ coniunctissimi Socrates, Pythagoras, & Archimedes. Socrates enim non nisi tollendis animi vitijs, ornandisq. virtutibus adhiberi speculum volebat à suis; Pythagoras verò non nisi in Sole consulendum illud esse dicebat; Archimedes demum non nisi miraculis operosus faces incendere, flammæ eubrare de speculis consuevit.

Quòd si alijs ergo placuerit speculum hoc Virginale, vel Soli expositum intueri more Pythagoræ, vel ad extinctam amoris facem accendendam vsurpare cum Archimede: mihi certè communis ille speculorum vsus explicandus est in hac Virgine, cuius nimirum aspectu tanquam intuitu speculi sine macula, & corrigi vitium ostendam, & exornari virtutem: ad hæc enim duo præceptum Socratis de speculo referebatur.

Atque vt orationis initium sumam ab Oratore summo: Demostenes ille, qui sine victoria naturæ triumphare non potuit in arte dicendi, sicut hæsitanti, asperæque linguæ suauiloquentiam tribuit, dum scrupulis ori admotis scruposam maxime litteram efferre conabatur in littore; sic iactationem corporis immodicam, omnemq. membrorum motum agrestiores, ac vehementiores ad eam venustatem, dignitatemq. perduxit vno speculo admonitore, cum quo oratorias exercitationes suas comunicabat assidue, vt qui Auditores exterruisset potius, & fugasset initio; speculi deinde beneficio quodcumque vellet felicissimis illecebris persuaderet.

Enimvero si Deum laborasse deformitate, ac vitio villo dicerem, quod corrigere speculo aliquo debuisset: spectris ego furiarum agitata turpissima dementia laborarem. Illud tamen ex mente Sapientiæ dixerim, Deum antiquitus dum per fulgura, ac tonitrua mortalibus asperius loqueretur, & acerba poenarum animaduersione vehementius in humanum genus ferretur; absterruisse non rarò homines, neque eos ad studia diuinitatis tam feliciter illexisse: at vbi nostram Virginem speculum illud sine macula sibi adhibuit nostræ salutis in causa, humanus, elegans, & speciosus præ filijs hominum effectus Deus, actione illa mirabili, quæ in benefactorum eloquentia sita est, orationem de salute publica commutatis humanis cordibus perorauit. Perorauit autem non tam aures hominum hebetes exacuens, & arrigens, quàm oculos mentis deprauatos, atque distortos corrigens, atque restituens. Ex quo enim Matrona nostri generis Eva pomum illud vitium obliquis oculis acrius, ac diutius quàm fuit inspexit, strāba, vt ita dicam, effecta posterorum etiam ocu-

los hæreditario vitio contaminauit, nosque strabones quodammodo, & lusciosos etiam reddidit ad veritatem. Sed hic ego potius emendatore sermonis indigere videor, quippe qui dixerim speculi beneficio prauitatem oculorum auferri, cum speculi virtus non visum restituat, aut perficiat, sed visorum simulacra fido regressu tantummodo dirigat, atque reducat.

Verum enimuero litteris antiquis traditum ego reperio paucis ante sæculis in vrbe quadam ex Æturiæ primarijs deformitatem oculorum speculi vnus auxilio sublatam feliciter admodum fuisse. Adolescens enim quidam & elegantix studio, & formæ præstantia, totiusque corporis incessu, ac statu cunctis ætate paribus antestabat: sed summam illam oris dignitatem, & gloriam per medios, vt ita dicam, Gratiarum choros quasi quadrigis euectam transuersa incurrit oculorum in diuersa tuentium fortuna, quæ vno vitio virtutes omnes vulnerauit, & perdidit: cum igitur videret in certamine venustatis fore se ijs contemptui, quibus volebat esse miraculo: statuit adhibere morbo remedium. & primum quidem peritissimum quemque medicæ, & anatomicæ rei consulit certus nec sumptui, nec labori parere; cruciatibus etiam obuius parte illa corporis quamquam maximè tenera, ac delicata: sed vbi animaduertit nullam esse apud illos expiationem culpæ delinquentis in oculis, quasi violatis syderibus nulla curatio reperitur in elementis, domum reuersus accessit ad speculum, vt tanquam cum amico minimè adulante conferret ærumnas, & dolores suos. Et speculi quidem consuetudo non consilium de more solum, sed opem etiam ex inopinato tulit. dum enim ille crebra, & varia oculorum agitatione multiplicem experiretur videndi rationem, animaduertit tandem quo sibi conatu nitendum esset in vtroque oculo cui-brando, vt ambo simul apta, decoraque conspiratione in rem propositam collinearent, parique coniectu cum dignitate responderet sibi. Igitur vt bene cœpta res in melius verteret, plures horas diebus singulis cum speculo versabatur quæsitæ, & seruata quantum poterat eadem illa oculorum convenientia consensanea, donec duorum circiter spatium mensium singulis fere aspectibus speculum testem incorruptum adhibens corruptelam omnem oculorum depulit, & integritatem, quam tot speculantium medicamenta afferre non potuerant, vnus speculi meditaementa reddiderunt.

Verum ego vix vnum hunc memini me legere iuuenem, qui speculi beneficio repulerit labem ex oculis; innumerabiles profecto sumus, qui cum rerum fluxarum inani splendore non tam oculorum, quam

quàm animòrum nostrorum aciem obstrictam, & lesam haberemus, sensuque ac mente in diuersa mouentibus peruersa æstimandi ratione deprauatam. vna tamen nostræ Virginis opera ad optimum recti statum, & decoram iudicandi conuenientiam reuocamur.

Et adolescens quidem ille venustus, & cultus accedebat ad speculum, sæpe autē dolore deformis, ac luctu recedebat; nos è medijs naturæ, per Adam vitiatæ carinis eruti, sordibusque fœdati à cōgressu Virginis decori, nitidique reuertimur. ille labem vnicam ex consuetudine cōtractam emaculauit ad speculum, nos vitæ per facinora plura traductæ maculas delemus in Virgine: ille strabam deformitatem sustulit, nos cæcitatæ etiam vitium profligamus: ille agitatæ sæpius oculis, nos defixis, vel semel obtutibus: ille incredibili diligentia summi laboris adibat, vltro nos beneuolentia singulari pertrahimur sæpe renuentes: ille plurium interuallo mensium caducum decus adeptus, nos momento etiam temporis cælestem ornatum, splendoremq. virtutis consequimur.

Neque enim imminuimus, aut rescamus vitia solum beneficio Virginis, sed virtutes ipsas acquirimus, augemus, exornamus, perficimus, quod erat munus alterum speculi more Socratico vsurpati: Vfus hic etiam speculorum comunis est in vmbratili, ac delicata vita mulierum, quæ operosis delicijs nè dicam an delirijs, non munditiæ sibi solum speculari illa disciplina conquirunt, sed elaborant concinnitatem, capillum augent lapillis, cincinnorum fimbrijs locupletant, censum familiæ integrum vno in capite expendentes pretioso iam magis quàm animus in eo nescio quam benè collocatus. Vt merito Sophocles in veteri fabula (cui nomen à Cretensibus fuit) Cytheream muliebrium ornamentorum magistram ad speculum induxerit capillos, & vestem omni decorum copia in summa bonæ mentis inopia cumulantem; Palladem verò mentis, ac sapientiæ Deam creditam omni ornatu reiecto perungentem se oleo atletico dederit in theatrum.

Sed contra nobis vt video accidet in præsentia. Sapientia enim illa, quæ Deus est, nostrum speculum, Virginem, inquam, conueniet, vt nouum sibi instructum, atque ornatum compareret, seque & pulchriorem nobis reddat, & virtutibus etiam cumulationem.

Video vos hîc commoueri non nihil in me quasi diuinitati conuiciū grande fecerim dum Numen ipsum aßserui cumulari posse virtutibus ab hac Virgine. Deus enim rerum omnium cumulator, atque perfector est vnus, ipsa optimi perfectio, & absolutio. Date igitur per vestram fidem mihi laboranti opem, operamque dicenti,

Temperantiam moderatricem illam commotionum omnium facultatem; modestiam, quæ decora partium dimensione libratur; obedientiam, quæ maioribus rite subijcitur; fortitudinem, quæ constanti malorum perpeffione perficitur; militarē artem, quæ singulari corporis obiectu millia hostium profliguntur; pulchritudinem, ac vim, quæ sensus, & animi sollicitentur ad stipendia honestatis, & quæ recte factorum meritis imperium obtineatur in omnia, Virtutes esse fatebimur, credo omnes: harum tamen expertem esse Deum ex sese fatebamur ante.

Accedat igitur ad hoc speculum Deus, ineat societatem cum Virgine, cognatione sanguinis adhærescat nobis ex illa: profecto nonne & Deum videbimus parere demissè parentibus, modestè versari cū ciuibus, conuiuari sobriè cum Dynastis, pati fortiter cruciatum & mortem, in eaque mortis acies, & Plutonis exercitus debellare; humanum vero genus sanctissimis illecebris ad sese pertrahere? Ornamenta igitur alia, atque alia ad hoc speculum sibi concinnat Deus, cumulat ipse virtutibus, & elaborata specie, ac pulchritudine auctorem illum omnis deformitatis Satanam fugat, & superat. Quod si Deus ad huiusmodi speculum veluti ad cotem arma exacuēs pulchritudinis de foedissimis monstris Erebi triumphauit: similem & nos sperare felicitatem decet, si appositè, ac sapienter illud idem speculum vsurpemus.

Memoriæ traditum accepi nescio quem bellatorem, cū pugnandum illi esset cum immani Dracone, armatum vndique speculis in arenam descendisse, nec multo post rediisse victorem: cum enim in speculis illis Dracones totidem Draco viuens cerneret in se ruentes, primo quidem expauescere, tū venena ex oculis, & ore fundere acerrima cœpit, quæ de speculis cum Solis radijs feruidè reiecta in autorem per apertas fauces in cor ipsum peruasere serpentis, qui suis hunc in modum confossus iaculis concidisse fertur à pedite illo speculari cataphractario.

Verū plus ne delectationis quàm veritatis habeat hæc narratio enarrare non vacat. Illud iucundissimum, & grauissimum negotiū datum nobis credamus, vt Magnæ Matris amore, & patrociniū ceu speculo nitidissimo communiti Satanam laceffamus ad pugnam: erit enim, vt primo impetu Draconem illum nefarium, & truculentum suis artibus captum, suis venenis infectum prosterneamus Virginis huius speculares, ac lucidi cataphracti.

Sed venit hîc in mentem mala res, iuuenis decorus, pullus exclusus ab ovo Neronis, Otho, inquam, Imperator impurus. Speculum

enim

enim molis immensæ deferebat secum in castris, atque ipso inter dū
 prælij iam imminente die in illud defixus non aptare lorica, non
 gladium acuere, nō arma perpolire, sed candoris, ac ruboris aqua-
 bili tractu fucare faciem, segregare, circinare, collatare capillum,
 mitellam capiti pro galea concinnare solebat cœu Bellonæ celebra-
 turus nuptias, non certamina. Et tamen fortuna, Circe illa non
 tam naturæ, quàm virtutis perturbatrix infida nostris in malis pro-
 cax, & petulans casu Galba senē maximè strenuo, conciso Pisonē
 meritissimo iuuenem, Othonem eneruē vna Epicuri laurea dona-
 tum è Neronis hortulis in Capitolium euexit ad motum fascibus Or-
 bis terrarum. Absurda hæc decantantur à vulgo lasciuientis inge-
 nus humanum fortunæ ludibria. Illud opus est providentiæ Nu-
 minis singulare. Si nimirum nostrum aliquis hoc speculum secum
 deferat in hac vitæ mortalis militia, si Virginem, inquam, hodie
 conceptam in honoribus, & amoribus habeat, atque ad illius confi-
 lium, ac nutum, & candore integritatis, & rubore caritatis quasi
 cerussa, ac purpurissa mores ac mentem delinire pergat magis, ac
 magis: profecto speciem animi dignam imperio consequutus deui-
 ctis sensibus, ac perturbationibus cunctis, Satanæque viribus confra-
 ctis potens, pollensque ad Cæli regnum immortale deducetur au-
 diens carmen illud sibi ex oraculo veteri decantari. *Specie tua, & pul-
 chritudine intende, prosperè, procede, & regna.*



S P E C V L V M

P Y T A G O R I C V M

Oratio Græcè . habita à LVDOVICO PACCALIA
Eretano , & Latinè sic reddita .

SPECVLVM in Sole solum adhibe: Pythagoræ pronun-
ciatum fuit, neque in Sole, neque ad lucernam
editum, opinor, ita tenebricosum est. Et tamen ad
Auroram illustrandam, quæ speculum Solis est, ad
Virginem, inquam, nostram laudibus exornandam
traditum mihi est argumenti loco, quæ speculo ipsi
speculum esse potest, sic expolita est, sic elucescit. Sed si Pytago-
ræa mysteria iacent ambigua in obscuro, Virginalia certè initia
erunt in aperto nobis clara, & præclara.

Et vereor ego quidē initio ne nos excæcare voluerit Pythagoras,
dum in speculum soli obiectum diutius nos intueri iubet. Legimus
enim Democritum fabrefecisse sibi clypeum æneum maxime per-
politus, hoc est, speculum grande inflexum, & curuum quod Soli
ardentissimo propositum cum acribus obtutibus aggredereur; ful-
gentiori eo lumine perstrictus, & luminibus orbatus noctem fertur
accepisse oculis in meridie; scilicet ut mente à sensibus euocata cer-
tioribus, ac vegetioribus animi obtutibus in altiores naturæ tenderet
rationes. quod præstandum nobis etiam esse, hoc est segregan-
dam mentem à sensibus, effato illo docuit fortasse Pythagoras.

At ego fabricatam à Deo Virginem clypeum nostræ salutis dixe-
rim in speculi morem elaboratum, in quem quò accuratius aciem
intendit acutus ille speculator criminum Satanas, anguis ille ocu-
latus Epidaurio serpente magis, eò magis fulgore virtutis, & fulgu-
re Maiestatis hebetatus, atque percussus captat tenebras in meridie,
quem instar Cyclopis adempto lumine trepidantem, & cæspitantem
iam video: imo ex altissimo Tyrannicæ potestatis gradu præcipi-
tandum breui vaticinor non ut Tyresias, cæcus, sed luminibus Ar-
go par, & visu etiam argutior: Quamquam utinam Virginem, suo
Sole imbutum speculum speculari vel semel liceret mihi: profectò
lumina hæc ambo perpetuæ cæcitati cederem, ne quid amplius vi-
derem turpe sub Luna. Sed Luna lucem aliquam affert mihi Pyta-
goricam de speculo sententiam indaganti. Luna etenim Solis specu-
lum quoddam est, & Pythagoræ etiam speculum credebatur. dicitur

enim in nocturna lunaris orbis facie velut in mēbrana, aut palimpsesto characteribus nigricantibus descriptas amicorū epistolas perlegisse, & in eiusdem Lunæ maculis ceu rerum toto orbe gestarum signis varia textura digestis vidisse quid in remotis regionibus ageretur.

Sed maculis pollutum magicis speculum hoc dixeris ex malefica deprauatorum Dæmonum officina depromptum. Virgo hæc opere Cælitum albario speculum diuini Solis efficitur, & Luna ipsa, sed in qua ne astrorum quidem oculi videant maculam vllam. In eius tamen facie nitida facile perlego non tam litteras amicorum, quàm amoris ipsius acta; non tam quid in infimo terrarum orbe mortales agant, quàm quid supremo in Cælo machinetur iam Deus. In ipsa enim membrorum eius textura, quæ nunc primum elaboratur, multo veriùs, ac feliciùs, quàm in Philomelæ texto, diuinæ in nos charitatis exaratur historia. Vultus ille Infantulæ minime vultuosus benignos Dei sensus in apertum dat: oculi illi, quorum opera Cælum videmus in terris, faciem diuini amoris erga nos accēdi pronunciant: os illud in præsentia mutum Eloquentiam Diuini Verbi euoluendam in terras affirmat: sinus ille vallatus lilijs castra pudoris in tuto fore significat, vel ingruente foecunditate: pedes illi, quibus super sydera, vt ita dicam, graditur humana felicitas, non tam serenitatem in æthere, quàm pacem sub Luna (cum Oraculo prisco loquar) euangelizat.

In quo sanè tranquillitatis genere, & alterum nobis innuitur speculum Soli expositum, Iris, inquam, publicā illa nuncia serenitatis quam fortasse notauit axiomate illo Pythagoras, vt tranquillitatem animi, pacemque Reipublicæ anteferendam semper, & omnibus indicaret. Iris enim veluti speculum multiplici facie perpolitum Solem simplici colore haustum, tribus potissimum coloribus exprimit, ac refundit; arcus ille testudineatus guttis pendentibus, velut intentus arcus à Sole istum dirigente post nubes, ferit tempestates, ac pluias, turbulētos fluctus exterminat, fulgura disijcit fulmina ipsa fulminat, & disperdit. Quasi verò, & non blandior Iride fulgeat nostra hæc nuncia Pacis Infantula, quæ Solem suū vna forma numinis haustū triplici natura, corporis, animæ, diuinitatis nō coloratum solum in cuti reddit, sed humanæ diuinæq. vitæ veritate intima constitutū.

Hanc dum fabricat Iridem, speculum sine macula, specularius Deus; Sol in illam semper eiacularans, hunc dum intendit arcum diuini numen amoris; immittitur serenitas aeri, mari tranquillitas, cælo gloria, terræ securitas; cogitationum procellæ nō sauiunt, languent tempestates, affectuum, nulla futura sunt naufragia animorum.

SIVE
VSTORIVM AMORIS.Carmen Eroparthenicum habitum à
DONATO MAZZOLIO ROMANO.

*V*C aliquis vestrum, ò socij, medicamina cordi
Afferat. abienui succo, argentiq; medullas
Frigeret: ambustum flammis specularibus ardet
Cor mihi. Veb misero gelidam date: totus inarfit,
Credo, animus: sacro ceu víctima fumat Amori.
Nec placatus amor (res nunquam audita) coruscat
E speculo erumpens in me vibratile fatum,
Et morior: causam sed mortis, adeste, docebo.
Annosam vix fama tulit caelestibus Annam.

*M*uneribus donatam uteri: spontaneus adsum,
Obsequijs; quidquid grauior matrona iuberet
Haud secus, ac iussus facio. Sed quale laboris
Dat pretium? veros per dulcia spectra dolores.
Anna etenim gremio speculum gestare coruscum,
Visa mihi. Aethereis liquefacto sole caminis,
Artificique manu superum compactile donum.
In terras fluxisse putem: sed blandius vrit
Candidiusque micat: massa lunaris in albo
Fusum opus: at maculis expers praestit omnibus astris;
Materies vigilata Deo, sudataque Olympo
Machina quacumque hac sit, me sibi cepit amantem.
Nempe remollitum digito flagrante Tonantis,
Hoc speculum effulgens concepta est virgo, cautum
Indole demissa speculum, quod sole regeſto
Virtutum in gyrum radios collineat omnes.
Hic focus ardeſcit, cineres cui praesto medullas.

*T*ale Syracusia mirus iaculator in arce
Finxit opus, quo fertur aquis aluisse fauillas
Cristallo genitas, classemque liquasse latinam,
Marcello mirante rogos volitare per undas.
Diffimile hoc unum tamen est, quod machina in hostes
Illa dabat flammās, nostra hac exurit amicos.
Hoc etenim ad speculum dum cor mihi pensile ludis

Cura

Cunctabunda vago lambens incendia gussu,
Dumque fugit, refugitque ad lucis mille tremores
Et vota emollit, lacrymas & siccat ad ignem;
Ecce tibi arripuit tandem cum fulmine flammam
Et cadit ambustum cor, nec valet inde reuelli:
Ferte citi ò iuuenes medicamina, ferte dolori.
Haud aliter moriente die si forte lucerna
Fulserit è claustro, accurrit peregrina volatrix
E tenebris; flammam procul assentantibus alis
Ambitiosa colit, propiori deinde volatu
Capta per illecebras formosæ fraudis amore,
Lucis adulatur formæ: per ludicra ineptum
Crede parasitum Regine applaudere circum.
Verum ex insidijs lyncæ stridente fauilla
Truditur, hæc volucris bellum, atque incendia portans
Grandibus igniculum pennis affixa reliquit.
Nec mora, nec requies misera: cadit illa sonanti
Alarum bombo sortita illustre sepulcrum,
Quæ vitam obscuram cæcis traduxerat umbris.
Sorte volaturit simili cor nunc mihi circum
Parthenidem speculi flammam: similique perustum
Concidit in fato; sed fortunatius arsit,
Mitius haud tamen, ignescit noua cura medullis.
Ferte citi ò iuuenes, fomentum adducite cordi,
Aut Chironem aliquem, celebremque Macæona (nulli
Sumptibus hic parcam) proberis accersite curis.
Quamquam vix nobis sapiens Erasistratus vnus
Nosse queat cari meliora hæc vulnera morbi.
Sed quando in terris non est qui fonte, vel herbis
Mitiget, è medio contractum vulnus olympo:
Cernite; Seraphides pakato ex æthere turme
Certatim occurrunt, credo, auxiliariis armis.
Nunc mihi spes tandem afflatur: venire Magistri
Qui genus hoc morbi nouere: medullitus ardent
Ipsi etiam correpti æstu, quo sydera flagent.
Tela gerunt humero, sed gestant vulnera corde.
Et non decipimur: non præsentitis odorem?
Ambrosiæ succos ungendis cordibus aptos
Nempe ferunt; multo mox flore, ac fronde redundant,
Alpibus æthereis quasistas, cernitis herbas

Nostrum in fomentum cytharas, & fistra lacebant,
 Somnifero ut valeant sonitu excantare medellam.
 Spero etiam, multis radiant hastilibus, ut qua
 Sit de vulneribus sanies radenda, secetur.
 Tanti operis moles nostri est curatio cordis.
 Verum quis ille est iuuenis cui candida circum
 Turba fremit superum officijs glomerata decoris?
 Reflor alexiaca, credo, est puer ille caterua,
 Huc medicas adhibere manus ex aethere lapsus.
 O nos incolumes, & supra vota beatos.
 Ecce breui, intortoque sinum praeinxit amictu,
 Paonium ceu tentet opus cum lege mouere.
 Ast ego trasuersum moueor spe lusus inani.
 Scilicet hic Amor est superum inflammator Amorum;
 Casavim agnosco guttis in nocte trementem
 Sampsonisque tangen robustis crinibus equam;
 Nosco leues humeros, sed quis innititur orbis,
 Nosco manum, & tela, & pharetram quibus omnia vincit.
 Quam male credidimus nostro hinc solatia cordi?
 Omnia in aduersum fato experiemur acerbo.
 Ad crines superum ferta illa potentibus herbis
 Texta virent, fibrisque aptis auertere sensum
 Dulces in furias. Odor ille aperitur ab igne
 Quo flagrant. Cytharis heu quam carmina dicent?
 „Carminibus Circe Socios mutauit Vlissi.
 Ipsa etiam sunt tela faces: ita feruet amantum
 Calituum studijs tota hic Vstrina Tonantis.
 Cor flammis haustum mihi fundo exaestuatur imo.
 Verum hac ardentis per tot miracula pompa
 Rem miram magis aspicio: censete quid hoc sit.
 Ille amor aeterno nutrit, qui fomite flammam,
 Quisque alitur flammis, quique una est flamma Tonantis
 Extinctas gerit ecce faces; nudata fauillis
 Tela gerit pariter reliquorum, & catus amorum.
 Quicquid lucis inest, Superum frons aurea fundit.
 Quin potius nostro è speculo nox ipsa diefcit,
 Praegravat atque ipsos superum, nisi fallor, ocellos;
 Atque ego non fallor. Sed quiddam maius Amores
 In speculo meditantur. Amor dux omnibus vnus
 Acclinat sese ad speculum, dum talia satur.

Heu gelidas terras , & frigida pectora Diuum .
 Hinc homines iuuat , & iuuat hinc ardere Tonantem .
 Dixit , & extinctam tadam protendit in ipsum
 Ardorem speculi : subito illa reuertit , Amoris
 Digna manu , exarsit . Sumunt exempla minores
 Turma Calituum : speculoque admotus amico
 Telum quisque suum gratos animauit ad ignes .
 Tantum in amore suos docuit pupa una Magistros .
 Quàm dulce est oculis in gyrum cernere Amores
 Lampada gestantes dextris , & pectore flammam ?
 Sed fugit ex oculis dulce hoc . Regnator Amorum
 Iam face succensa zephyris gentilibus actus
 Astrorum redit in patriam . Rapto igne secuta est
 Turba minor regem . Sic dum Regina volantum
 Porrigit in Solem pennas , & lumina ; proles
 Si quæ digna parente fuit Solem hausit & ipsa .
 Verùm alium in Solem stellantium Reſtor Amorum
 Errabundus agit turmas , præteruolat auras
 Humanosque super graditur per sydera visus .
 Noſtrum ergo in speculum obtutum figamus Amici .
 Nempe percusso videas hic undique Calo
 Munia Calituum , cuncta hic arcana pateſcunt .
 Credo , videtis , Amor confidentiſſimus uſque
 Pergit in æterni gremium immortale parentis ,
 Admouet , & raptam ſpeculari è fomite flammam ,
 De noſtro iaculatus Amor . ſagrat æthere Numen .
 Nunc mihi ſi liceat ſanari , non libet ultra ,
 Ferte aliò ſuccos , alibi fomenta locate :
 Frigora iam captent alij , mihi feruere certum eſt .
 Nam ſi flamma Deum arripuit , quæ exuror & ipſe ,
 Permixta velut in maſſa conſlamur uterque ,
 Virgineoque Deus vel ſanguine cretus inibit
 Formam hominis , formam vel Numinis induat ipſe .
 Hoc facibus contendit Amor . Sinus ecce Tonantis
 Vnigenam amplexus ſobolem , ſtimulante calore
 Lentefcit , donec laxis pietate lacertis
 Demittat Natum manifeſta in prona ruina .
 Ecce cadit ſtirps nata Deo , naſcatur ut infra
 Lunam etiam ; ſpeculo cerno hæc ſpectacula noſtro .

Merita
 Virg. in
 tolligit.

LVSTRATIO 135.

CARMEN EROPARTHENICVM

Metris confusaneis ad Harmoniam

MELOS PRIMVM:

Dametas cum Agricolis. Alcon cum Armentarijs:



Dam. & Alc.



VX mibi festa redit, quo solas primitus
hausit

Materni per noctem uteri Diuum incluta
Mater.

Dam.

Surgite iam. lustramus agros, lustramus
agrestes.

Vnica si terris lustrari non eget illa;

Cetera purgentur; lustratur Virgine mundus.

Villicos vocate seruos, & colonos liberos,

Seruitutem Diua pellit; dat colonos atberi.

Alc.

Nunc lustrare greges, lustrare Armenta necesse est.

Huc aratores, vel ipsos arboratores voca,

Diua mensis est, & arbor dulci onusta Numine

Dam.

Huc ades d' Milon, Calchon ades, & Phraſidamus

Alc.

Antigenes vinator ades, piscator & Olpis.

Agric.

Adsumus d' filius. Arment: B pratis adsumus omnes.

Dam.

Quam bene filius eris ex illa?

Agric.

Fuit ex illa:

Victus pepulit diua serinos:

Pro terrigenum glande bonorum

Seminis atberei fruges hac una parauit.

Dam.

Hac pro vili fluminis vnda

Caeli lacubus dabit usque merum

Extinguens cypriam facem

Sensus virginis creat.

Zacch. 9.

Alc.

Quam bene pratis eris ex illa?

Arm.

Fuit ex illa.

Nam pro sani gramine Virgo,

Con.

Conclusis docuit mentis in hortulis

Pomum inferre ex arbore Vita.

Dam. Alc. *Ergo Pales, & Vana Ceres decedite campo.*

Alc. *Diuam in syluas, Diuam in prata*

Diuam nostra intesta vocemus,

Nec nisi prisco more vocemus,

Amentem ut ritum sanos reuocemus in usus.

Ergo, si placet, litemus, lacte, vino, victima:

Ambarualis eat ter circum pascua pompa,

Dum leuis ad numerum pubes salubris agrestis

Hoc ergo in primis; qua res bene vertat, agamus.

Dam. *Sole percusso massa è cristallide stammam*

Corripit caelestem: è terris illa abnuat ignes.

1. Agr. *Accipe: correptus radijs caelestibus ignis*

Ardescit Domina; mage cor mihi flagrat ab illa.

Dam. *At melius caelestis amor genitoris viroque*

Ducens egelido viscere Virginem

Cui filice antiquo scintillam excudit, & arsit.

Alc. *Virgine inarsit Amor, & virgo redarsit amore;*

Lacte igitur reple hic pateras, ut frigeret astum.

1. Arm. *Lacte nouo expleui pateram: sed cor mihi inane est,*

Spe nisi lactetur Domina

Alc. *Sunt sacra Puella,*

Cui venit ad mulctram nitidi pars lactea Cali:

Pronaque felices distendit Gratia mammas

Hanc lenire famem possis, hinc tollis & astum.

Dam. *Nunc date vina cui: dabit & mea diua racemum*

Cuius ego palmes. Cali vindemia feruet.

Alc. *Et nostra iam vitis erit Deus arbor inumbrans,*

Nunc tonet è Calo, nunc fulmine sauiat aether.

2. Agr. *Vina nouella damus: veteres abieciimus vtres.*

Iam renouellat amor vineta, repastinat auum.

Dam. *Dulce merum superis expressit nostra Virago,*

Labruscam sed prestat amor mihi corde sub imo.

Alc. *Vincula solve iugis, frondes armenta coronent,*

Mundo sic misero vincla resoluit

Numen dum gremio Diua coronat.

Dam. *Victima procedat triplex damnata per orbem.*


Alc. Dam. *Mox cantu, & chorea campum lustrabimus. Agnos*

Nunc decet albatos lento procedere gyro;

Non hados saltare decet, procul ite capella.

Matt. 9.

Dametas, & Agricola. Alcon, & Armentarij.



Dam.



*I vacat arguto solennis tibia buco,
Et pecudum iam laeta cohors februare pa-
rata est;
Circumeant armenta vires; lustralibus inde
Carminibus, saltusque decet resonare potentem
Sylvarum Dominam, tutam ruris amicam.
Agnos ire decet, sed non saltare capellas.*

Omoes

Ite greges circum; ter in orbem armenta ferantur.

Alc.

Sic Cali rapidum Sapiencia circumis orbem,

Eccle. 24.

Et secum mea Diua citato

Circuit ingenio Calum, gremioque Tonantem.

Nos etiam circum per amoris aperta vagamur;

Sed manet in centro pectoris vnus amor.

Dam. Alc.

Carminibus nunc Diua faus, tibi ducitur orbis,

Orbis est hac Diua laudum, motor est Orbis Deus.

2. Agr.

Cogit imbres feda nox;

Pelle nymbo fissa lux;

Nubila remoue, Zephyrus fiat;

Diripe nebulas, properat Sol.

2. Agri.

At tu melius, Virgo, feraces

Numinis auras cogis in antrum

Pectoris omnes.

Sic & melius solem d summa

Sede caducum

Nostri nebula offundis amictu.

Omnes.

In gyrum nunc ite greges, armenta sequantur.

Dam.

Sol meat in gyrum; Soleo gyrata praeerrat

Sydera; per nubes sua fulgura circumis iris,

Circuit omnis Amans, dum rem, quam deperit, ambis.

Alc.

Nunc habiles pedibus circo ludamus agresti

Diua circus est Amoris, carcer, & meta est Deus;

1. Arm.

Delapsa Calo patris,

Operta velo matris

Arca Tonantis

Semper amantis adeat.

2. Arm.

Arca per gyrum cum ducta sit,

Et cor nobis per gyrum it.

Nulla est iusto condita lex

Dauid saltat per compita Rex

2. Reg. 6.

1. Tim. 1.

2. Reg. 6.

Omnes. *In gyrum ite greges, in gyrum armenta redite.*

Alc. *Per fines Arabum Moses gyravit amicum
Syderibus populum. David fregisse Gyganteum
Dicitur in gyrum reuoluto verberare funda,
Nos etiam gyrat sub amoris verbera Numen,
Sed stetit in medio pectore fixus amor.*

Dam. *Pistula nunc circum reuocet cum carmine saltum,
Circus est Virago cordis, victor in circo est amor*

Omnes. *Agili nunc age manu
Quate cbelum:*

Vigili nunc age pede

Preme solum

Vice tremula, vice vagula

Sacra cohors.

1. Agr. *Vt ego campos pede preculco,
Sic tanaro dura premantur
Colla Tyranno.*

1. Arm. *Vt ego pratum contero plantis
Sic protirantur tela Cupidini.*

2. Agr. *Spineta calco, heu vulneror,
Sed inter astra sanus
In borto Amoris colligam rosas meas.*

2. Arm. *Cautus pererro; heu saucior;
Sed inter astra blandum
Molles Amorum plumula inflernent thorum,*

Omnes *Agili nunc age manu*

Quate cbelum:

Vigili nunc age pede

Preme solum.

Vice tremula, vice vagula

Sacra cohors

Omnes al- *Te duce duco Diua choream:*

ternis. *Dum pulso pedibus solum*

Terris quicquid inest, te Duce, contero.

Sic inanes calcantur honores,

Sic profani calcantur amores;

Sic fortunas, & fortunam

Pede proterimus fortunati.

Virginis vnus nos calcat Amor.

Ab parce, ab nimium Diua premis cor.

Dam. *Carminis deficiamus.*

Alc. *Salu delinquimus omnes.*

Dam. *Dandus sopor defectui.*

Alc. *Danda est deliquo quies.*

Dam. *Siste greges Alcon.*

Alc. *Sistes armenta Damata.*

Exod.

1. Reg. 17.

Alcon, & Armentarij. Damætas, & Agricola
Mopſus.



Dam.



O P S E decus nemorum, priſco de ſanguine
Vatum,
Mente potens, pollensque operum, quibus
aſtra fatigas
Opportunus ades.

Alc.

Qui te vixere ſecundis

*Huc Zephiri pennis? nam tu conſortia rerum
Terrigenum refugis Sinai prope culmina montis:
Proximus hic Bellis patrijs operaris in antro,
Quo Moſes humeros fertur viduſſe Tonantis,
Cum daret, & leges, antiqua & ſœdera terris.*

Ex. 33.

Mopſ.

*Paruula vegrandem Stygis oppreſſura Tyrannum
Virgo hac me rapuit gremio correpta parentis.
Altior hac Sinai, manibus iam prehenſat olympum.
Hæc una eſt antrum, noſtra quo ſe obice terre
Occulter Numen Cælo iam terga daturum;
Nunc timor, & priſca leges abiere timoris
Vt ius dicat Amor, Diva hæc eſt una tribunal.
Huc greſſum admoſco, viuendi ut iura capeſſam.*

Alc.

*Hoc cecidit bell?: quod noſtrum te Duce ſacrum
Inceptaſſe datur; lubeat nunc Moſe, quod optas.*

Dam.

*Scilicet, & viui textura ceſpitis aram.
Aſtrorum Domino ſubſtruximus auſpice Diva.*

Mopſ.

*Scilicet erratum eſt: namque una pectoris ara
Scopus hic noſtri gaudet Amoris.
Flacet una Deo viſtina cordis,
Non ceſpites, non herbulas
Viuas ad horam poſtulat.*

Cant. 2.

*Immortale ſibi fulcrum de floribus optat
Amoris in relapſibus.*

Cant. 1.

Sic virore cum perennis lectus illi eſt floridus.

Dam.

*Nos propterea campo in medio
Ara ingentem duximus umbram
Immortali frande perennem.*

Mopſ.

*Peccatum hic etiam; ſecretas non amat umbras
Diva hæc: Solem ſeſtatur, verboque potenti
Eſſet illum raptum ab aſtris Gedone fortior.*

Iof. 10.


Ac-

- Alc. Accipe nunc lactis pateram: sacrabis Olympo,
 Certus, quod (primos cum soles Virgo subibit
 Anna steriles egrassa sinus)
 Bene compressis cymbia lactis
 Alta, atque alia sponte fereamus:
 Virgo splendet lactis albo, lacte spumat dulcius
 De nitore, ac dulcitate lac vocatur Virginum.
- Mopf. Fallimur hic etiam. dulcedo pinguis, aquosa,
 Algida, mollis
 Fortem non oblectas amorem:
 Virgo voluptatis mammas, & mollia vita
 Commoda iam repulit, pulsa hoc à lacte, priusquam
 Lactus vel fuerit caput:
 Dulciarius Cupido non dat escam fortibus.
 Solidis epulis pasta Tonantis
 Viuit Amazon.
 Orta simul, pariterque adulta.
- Dam. Hunc igitur cratera vides: nervosius illo
 Nullum crude merum, nil gratius accidit ori,
 Gaudia fert vultus, naribus obsequitur,
 Diva Deo, ac diuis sit placet undelibet.
- Mopf. Hic quoque decipimur: sacris abstemia labris
 Nazzarenn fugit Baccum, Baccebiq; sodales.
 Regibus haud dandum vinum est; hęc regnat in aëtris.
- Dam. Sinum feracem reddit, ac latas genas.
 Despumans Baccus.
- Mopf. Sunt ubera Virginis omni
 Letiora Bacco, & omni
 Vineto secunda magis; iam vina facebant.
- Dam. Parvulus ecce tibi vittatis cornibus Agnus
 Expectas cultrum; modò mersum ingurgite laui.
- Mopf. Dissplicet hoc etiam: non mentio grata lauari,
 Nulla ubi sordes,
 Non hic tu maculas, non hic tu vulnera tergas.
- Alc. Victimam nil ergo lustrat?
- Mopf. Lustratio rerum
 Diva est, una suo mundum lustrabit in Agno.
 Cetera sacra vacent.
- Dam. & Alc. Nil placet ergo
 De nostro? nil ergo probas?
- Mopf. Imo omnia laudo,
 Cuncta placent: nam corda placent sat cognita Diva
 Plus satis hac Virgo cordata est, cor probat unum,
 Vnum pro cunctis cor amat illa tuum.

Hebr. 5.

Num. 6.
 Prou. 9.

Cant. 1.



FINIS.